

Zastupnik u Skupštini

Haris Pleho

Sarajevo 19. 06. 2019.godine

**BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
SKUPŠTINA KANTONA SARAJEVO  
Ministarstvo za obrazovanje, nauku i mlade Kantona Sarajevo  
N/r Ministrice Zinete Bogunić**

**PREDMET: Zastupničko pitanje**

Postavljam zastupničko pitanje ministrici za obrazovanje, nauku i mlade vezano za tok, realizaciju i dinamiku procesa javnih nabavki ovog resornog ministarstva u prvoj polovici budžetske 2019. godine. Također tražim detaljne izvještaje o svim provedenim i neprovedenim javnim nabavkama od nadležne službe Ministarstva obrazovanja u skladu sa Zakonom o javnim nabavkama.

**OBRAZLOŽENJE**

Ministarstvo za obrazovanje, nauku i mlade Kantona Sarajevo raspolaže, prema Planu Javnih nabavki objavljenih na službenoj web stranici i utvrđenom budžetu za 2019. godinu, sa ukupno 3.274.100, 00 KM predviđenih za javne nabavke u budžetskoj 2019. godini.

Budući da se, u skladu sa Zakonom o javnim nabavkama, na web stranici Ministarstva za obrazovanje, nauku i mlade ne nalaze nikakvi izvještaji o realizaciji navedenih javnih nabavki postavljam pitanje zašto je to tako i da li sistem javnih nabavki uopšte funkcioniše u ovom resoru. Ako isti funkcioniše, zašto nedostaju izvještaji o realizaciji javnih nabavki u skladu sa Zakonom o javnim nabavkama.

Posebno je važno istaći da škole imaju velike potrebe za opremom i uslugama a za koje vlastitim budžetima ne raspolažu predviđenim budžetskim prihodima (računarska oprema, software-i, mrežna oprema, interaktivne table, školski namještaj, stručne edukacije nastavnika i instruktora vožnje itd.) a prema istom planu javnih nabavki Ministarstva za obrazovanje se u prvih 6 mjeseci ove vlasti od toga skoro ništa od navedenog nije realizirano. U prethodnom period 2015.-2018. Ministarstvo je investiralo jako puno opreme i usluga u škole, dok u prvih 6 mjeseci 2019. godine škole nisu dobile ništa od navedenog.

Sa tim u vezi tražim detaljan odgovor i izvještaje o koherentnosti sistema javnih nabavki u skladu sa Zakonom o javnim nabavkama, Ministarstva za obrazovanje, nauku i mlade Kantona Sarajevo za budžetsku 2019. godinu.